

西山許真君八十五化錄卷上

西山勇悟真人施奉編

本始化

祖師姓許名遜字敬之曾祖琰祖五父肅世為許昌人高節不仕潁陽由之後也父漢末避地於豫章之南昌因家焉吳赤烏二年已未母夫人夢金鳳啣珠墜於掌中玩而吞之及覺腹動因是有娠而生祖師焉

詩曰

金鳳啣珠降九天 高陽聖母誕英賢

紅光應瑞騰蘭室 紫府書名鏤玉篇

父祖若非脩德行 兒孫焉得作神仙

玄功道妙超今古 福及君民數百年

仙昆化

向曲山遠遊君邁護軍長史穆皆祖師再從

昆弟也

詩曰

二許潛修道術高 隱身向曲避塵勞

無心競利參戎幕 豈意循名應俗曹

仙泓源流來處遠 靈根枝葉自相交

祖師又得為昆仲 迥與凡人異所操

悟真化

祖師生而穎悟姿容秀偉少小通疎與物無忤嘗從獵射一鹿鹿中之子隨鹿母猶顧欲之未竟而覺因感悟即折棄弓矢

詩曰

天形道貌瑩無塵 眉目清疎出世人

腹量涵容江與海 心誠伏御鬼和神

匪因射鹿明元性 奚得駭驚證至真

接物利生陰德厚 到今勳績愈如新

務學化

祖師尅意為學博通經史明天文地理音律五行識緯之書尤嗜神仙修鍊之術頗臻其妙聞西安吳猛得至人丁義神方乃往師之悉傳其妙

詩曰

天然聰慧勝群愚 尅意潛通百氏書

處世固宜窮世事 求仙須要悟仙樞

奚將妙道全吾矣 希得神方濟眾歎

幸爾吳君開寶笈 奚哉功行兩相符

擇地化

遂與郭璞訪名山求善地為棲真之所得西山之陽適逢山金氏宅遂徙居之今道遠福地五陰善官是也金氏見為神後有傳日以修鍊為事本有丹井蘇曰存焉不求聞達鄉里化其孝友交游服其德義

詩曰

西山福地是仙都 翠嶂清溪稱畫圖

因與郭君親卜兆 遂蒙金氏樂遷居

天然風水宜修鍊 日與朋儔自刈鋤

鄉黨歡欣從德化 自茲道舉播江湖

金藥化

嘗有售鐵燈檠者因夜然燈見有漆剝處視之金也翼日訪主還之人有饋遺苟非其義一介不取

詩曰

稟性清廉衆所稱 豈從人欲受金檠

萬鍾饋我猶非義 一介遺吾不婉情

財若浮雲空聚散 行如嫩日愈高明

祖師仰視先宗志 昔授堯禪尚乃輕

旌陽化

郡舉孝廉不就朝廷屢加禮命不得已乃以太康元年起為蜀郡旌陽縣令時年四十二

詩曰

仁聲溢郡象民懷 賢牧飛絨達玉階

雲捧紅鸞銜詔至 風吹白鶴出山來

世塵難昧煙霞性 廡廟方虛棟宇材

帝命寵頒遽敢拒 旌陽德政自茲開

德政化

視事之初戒吏胥去貪鄙除煩細脫囚繫悉開諭以道吏民悅服咸願自新發摘如神吏不敢欺其聽訟必先教以忠孝慈仁忍慎勤儉近賢遠奸去貪戒暴具載文誠言甚詳悉復患百里之遠難以戶曉乃擇秀民之有德望與耆老之可語者委之勸率故爭競之風日銷久而至於無訟

詩曰

飛鳥仙儔德政嘉 鳴琴堂畔絕譴譁

仁深孔雉馴桑近 德重災螟去境除

志大本期興傳兩 身閑聊且種桃花

庭空務簡民無訟 晝永簾垂任影料

賑乏化

先是歲饑民無以輸租郡邑繩以法率多流移祖師乃以靈丹點瓦礫為金令人潛瘞於縣園一日籍民之未輸者咸造于庭詰責之使服力役於後園民饘地獲金得以輸納遂悉安堵鄰境流民慕其德惠來依附者甚眾遂至戶口增衍

詩曰

天時荒歉稻梁枯 致使饑民欠賦租

郡邑拘催增逼法 戶門迫急逐逃居

密將金寶藏園園 詐役農人強饘鋤

因此獲財償稅後 鄉夫携挈復田廬

平疫化

屬歲大疫死者十七八祖師以所授神方拯治之符咒所及登時而愈至於沈疴之疾無不痊者傳聞他郡病民相繼而至者日且千計於是標竹於郭外十里之江置符水於其中俾就竹下飲之皆瘥其倖老羸疾不能自至者汲歸飲之亦獲痊安蜀民為之謠曰人

無盜竊吏無姦欺我君活人病無能為其後江左之民亦來汲水於旌陽祖師乃咒水一器置符其中令持歸置之江濱亦植竹以標其所俾病者飲之江左之民亦良愈今號蜀江是也亦名錦水今屬瑞州高安

詩曰

時嘗疫毒盛流行 閭里相傳病可憐

欲闡神方誠一念 加持法水濟群生

沈疴得此身皆健 大疾因斯體頓輕

錦水亦來求拯救 至今標竹在江泓

棄榮化

祖師任旌陽既久知晉室將亂乃棄官東歸往陽縣屬漢州祖師棄身之後詔改為德陽表祖師之德及民也尋移縣治於西偏而以故址為觀今就旌陽觀屬民感其德化無計借留所在立生祠家傳畫像故事如神明焉啓行之日最禮而送者蔽野有至千里始還者有隨至其宅願服役而不返者乃於宅東之隙地結茅以居狀如營壘多改氏族以從祖師之姓故號許家營焉其遺愛及民有如

此者

詩曰

官成名遂復何圖 歸老吾鄉效二疏
立像祠堂知幾處 表裡者勿擁長途
太王避狄成歧市 虞舜耕堯起鄧墟
遺愛及人人弗舍 結茅俱就許營居

新梧化

祖師嘗至新梧憩於栢林忽有女童五人各持寶劍來獻祖師異而受之其地今為栢林觀也既而借至祖師之第惟日擊劍自娛人真能測祖師識其劍仙也常禮遇之卒獲神劍之用祖師飛昇之後遂隱于千桂栢之下

目號栢樹仙童

詩曰

路入新梧值五童 各持寶匣獻霜鋒
黠施慧照先知異 識有靈威特見容
叱使鬼神行法令 誅除蛇虺滅妖兇
祖師功滿昇天去 仙女身潛翠栢中

黃堂化

既而與吳君遊於嵩陽聞金陵丹陽縣黃堂

靖有女師謹姆多道術遂同往致敬扣以道妙姆曰君等皆夙稟靈骨仙名在天然昔之孝悌王自上清下降化度人世示陳孝道初降宛州曲阜縣蘭公家曰後晉代嘗有神仙許遜傳吾此道是為眾真之長留下金丹寶

經銅符鐵券令公授吾使掌之以俟子積有年矣吾復授孝道明王之法亦以孝為本于今來矣吾當授子乃擇日登壇依科盟授闡明孝道誓戒叮嚀出銅符鐵券金丹寶經正一新邪之法三五飛步之術諸階秘訣悉以傳付祖師今淨明玉雷法之類皆姆所授也

詩曰

因參謹姆訪黃堂 教法宗崇孝弟王
香始將焚秉欲露 語猶未發意相當
銅符鐵券宣盟誓 寶典金丹甚審詳

擇日登壇盡傳付 旌陽名久注仙鄉

玉譜化

謹姆願謂吳君曰君昔以神方為許君之師今孝道明王之教獨許君得傳君當返師之況玉皇元譜君位元都御史許君位高明大

使總領仙籍品秩相遠又所主十二辰配十二國之分許君司亥枵之野於辰為子統攝十二分野君領星紀之邦於辰為丑耳自今宜以許君為長也

詩曰

世云昔作許君師 玉譜仙班未合宜
雖假神方相接示 豈知聖職有穹卑
下司分野存資仗 上列星躔不事夷
品秩相遠分使史 旌陽為長復何疑

朝真化

祖師與吳君禮謝訖辭行祖師方心期每歲必來謁姆姆覺之曰子勿來吾即還帶鄉矣因取香茅一根望南擲之曰子歸認茅落處立吾祠歲秋一至足矣祖師與吳君還首訪飛茅之跡尋於所居之南四十里餘得之已叢生矣遂建祠宇亦以黃堂名之號曰采真觀今稱黃堂隆道宮者是也每歲仲秋三日必往禮謁焉

詩曰

心期每歲一來朝 頂戴師恩不易消

路逕何辭千里步 仙君或返五雲輶
菰茅擲去叢生地 管像崇修或建桃
歲歲仲秋三日至 滿空鸞鶴雜蕭韶

愬真化

祖師往訪飛茅路傍見陂水清澈為之少憇

曰愬真靖今清陂村愬真靖是也又見鄉民
感烹宰以祀神且相詫曰祭不腆則神怒降
禍矣祖師曰恠崇敢爾耶夜宿於逆旅召風
雷伐之拔其林木明日告其里人曰妖社已
驅毋用祭也今其地有廢社不祭

詩曰

回程沿路訪飛茅 村抵清陂暫息勞
忽見鄉民陳祀穡 却因妖社起烹熬
豈容土木興靈恠 乃召風雷盡勦塵
通告里人毋妄祭 一方寧謐絕喧噉

靈泉化

祖師見有檐邊汲者滿道乃以杖刺社前涸
澤出泉以濟之雖旱不竭今大澤村紫陽靖
石井是也

詩曰

負檐遠汲甚勞瘼 澤涸居民苦乏泉
五岳杖靈繞刺動 一泓水湧即潺湲
耿恭受敵驅工鑿 龐儉因銅募力穿
爭似祖師施妙用 泠然甘液自涓涓

龍城化

明日登山巔指山腰之泉罅曰是有異物藏
焉後將為孽遂立壇靖以鎮之今每歲朝謁
毋必繼於此號龍城觀

詩曰

偶因登眺上層巔 忽覩山腰迸一泉
俄見妖氛竊鬱處 乃知異物所藏焉
他時若出民罹害 此日須將法以遷
於是立壇為鎮伏 至今遺跡尚依然

松壁化

祖師渡小蜀江今名黃湖口抵江干之肆主
人朱氏雖貧而迎接甚敬祖師戲畫一松於
其壁而去其家即日市利加倍後江漲潰隄
市舍俱漂惟松壁不壞今名松湖市朱氏見
廟食其地

詩曰

朱氏雖貧喜接賓 祖師惠訪有緣人
欣然座次留仙墨 貴爾家中作寶珍
自後雲蹤相渺渺 從茲市利甚旼旼
邇來江漲漂堤舍 松壁如山護以神

黃龍化

祖師嘗鍊神丹于艾城之黃龍山山湫有蛟
魅護為淵藪輒作洪水欲漂丹室祖師遣神
兵擒之釘于石壁今有釘蛟石猶在焉丹成
祭于幕阜葛仙公石室遂至脩川愛其端急
而味堅乃取神劍磨於澗傍之石今在脩川
梅山後人於其處立觀以表其聖跡今號為
旌陽觀是也尋渡水登秀峯今號曰旌陽山
為壇於峯頂以酬謝上帝乃服仙丹

詩曰

因入黃龍要鍊丹 山湫蛟蜃發洪湍
亟呼猛吏排金甲 迫攝狂妖釘石罅
事畢尋溪磨寶劍 藥成登嶺築瑤壇
祖師酬謝天真罷 服餌刀圭跨彩鸞

西安化

吳君居近馬陵南有吳仙村吳仙觀即吳真

君之故居也遷造吳君之宅過西安縣今之分寧是也縣杜伯出謁祖師詰其地分有妖物為民害者其神匿之祖師行過一小廟廟神廟神姓毛兄弟五人今統協佑廟者在縣之東迎告曰此有蛟孽害民知仙君來故往郭諸藏矣後將復還願為斯民除之祖師如其言躡跡追之至鄂渚路傍逢三老人今三王廟詢其蛟孽所在皆指曰見伏於前之橋下今號曰伏龍橋是也祖師至橋側仗劍叱之蛟驚奔入大江遂匿于淵今號曰下龍穴乃勅吏兵驅之蛟從上流奔出遂乃誅之今號上龍口是也祖師怒西安杜伯之不職錮其祠門止民間之享祀今分寧縣城隍廟正門常閉開則邑有火災祝師止從偏戶出入居民祭者少今祀小廟今封協佑俱廟食甚盛亦多靈感

詩曰

世云携駕過吳村 聞有蛟精此地存
 三老指橋言伏匿 五侯當道告逃奔
 為民弭害毋留種 躡迹追擒要絕根

師怒西安神不職 至今猶自鏤祠門

丹藥化

已而還郡城祖師曰此地水陸衝要人物繁夥宜無分合得仙之人試以丹數粒雜他藥貨之令其信緣而取既而贖者雖多竟無一人遇者祖師吁歎以世間仙才之難得也

詩曰

洪都繁夥足人煙 豈乏賢材合得仙
 鼎內試捐丹數粒 囊中雜以藥千圓
 遂令眾弟巡街貨 任使諸人信手拈
 賣盡藥圓丹尚在 縱無一箇有玄緣

藏溪化

祖師聞新吳有蛟為孽因持劍捕逐之故所經遊處曰龍泉觀今改為仙遊是也蛟攬窺入溪穴至今號曰藏溪祖師乃以巨石書符及作鎮蛟文以禁之鎮蛟文石碣尚存今為僧院曰延真傍建觀亦曰延真在奉新縣西十里

詩曰

聞說新吳有毒蛟 非時輿恠漲波濤

祖師仗劍親誅戮 妖物潛溪輒避逃

禁立雄文防跳踴 鎮留寶篆塞嶒嶸

昭然碑碣存遺記 千古人尊道德高

海昏化

時海昏之上邊有巨蛇據山為穴吐氣成雲巨四十里人畜在其氣中者即被吸吞無得免者江湖舟船亦遭覆溺大為民害祖師聞之乃登北嶺之巔驗之今赤烏觀之東日會仙峯即其處也果見毒氣漲空祖師憫斯民之罹其害乃集弟子將往誅之

詩曰

毒氣橫空厄巨蛇 海昏百里絕人家
 據山作穴興風勢 吐氣如雲翳日華
 道路弗通吞獸畜 江湖為害覆舟艖
 祖師登嶺先觀視 眾弟同心唾手拏

赤烏化

初入其界遠近居民三百餘人知祖師道法競來告懇求哀懇切祖師曰世運周流當斯厄會生民遭際合受其災吾之此來正為是事當為汝曹除之吾誓不與此蛇俱生也有

項群弟子至亦同勸請祖師曰須時至乃可於是卓劍于地默禱於天良久飛泉湧出俄有赤鳥飛過祖師曰可矣其地為侯時觀後改赤鳥觀今為壽聖又曰廣福本朝道士萬中行詩曰昔有長蛇抗妻成旌陽會此侯誅

夷洞中仙子方如今天上靈鳥忽報時符使怒飛凌谷口劍星交下鬼神悲一千年後幾興廢可惜陰功無盡期張天覺有卓劍泉詩云卓劍遠成巖下井待時遇動日中鳥海餘孽今除盡餘澤猶存七靖園

詩曰

長蛇為梗擁烟靈 世運周回合受災
道法有靈人赴愬 皇民無幸孰悲哀
奚容爾恠施咒應 既值吾徒必斬摧
卓劍侯時如可待 烏飛泉湧似相催

斬蛇化

遂前至蛇所仗劍布氣蛇懼入穴乃飛符召海昏杜伯驅之不能出復召南昌杜公助之其符落於縣東因建觀號符落今名太和其蛇出穴舉首高十餘丈目若火炬吐毒衝天

鄉民咸鼓譟相助是時祖師肅令風雷指呼神兵以攝伏之使不得動吳君乃飛步踏其首以劍劈其額蛇始低伏弟子施岑甘戰等引劍揮之

詩曰

飛符連召杜神驅 蝮首昂昂百丈餘
目閃火光懸電鏡 口噴煙霧暗雲衢
鄉民鼓譟咸相助 法主呼雷盡賊除
更得吳君騰步踏 蛇頭低伏始加誅

小蛇化

蛇腹裂有小蛇自腹中出長數文甘君欲斬之祖師曰彼未為害不可妄誅小蛇懼而奔行六七里聞鼓譟聲猶返聽而顧其母今枕名有蛇子港七里聽群弟子請追而戮之祖師曰此蛇五百年後若為民害當復出誅之以吾壇前松栢為驗其枝覆壇拂地是其時也又預識云吾仙去後一千二百四十年間豫章之境五陵之內當出地仙八百人其師出於豫章大揚古教郡江心忽生沙洲掩過沙井口者是其時也事見松沙記豫章職方

乘云龍沙在章江西岸石頭之上與郡城相對清遠有望龍沙詩云五陵無限人容視松沙記松沙雖未合氣象已靈異昔時蛟龍獸作桑麻地地形帶江轉洲渚有連勢此時小蛇若為害彼八百人自當誅之苟無害於物亦不可誅也蛇子遂得入江建昌縣蛇子港是其處有廟在新建縣兵城山甚靈本朝封靈順昭應安濟惠澤王俗呼曰小龍廟大蛇既死其骨聚而成洲今號龍骨洲

詩曰

蛇子雖奔蛇母亡 遠聞鼓譟尚回航
堪嗟虺類能存孝 故得師資且弗傷
後世重來與國害 真仙必是奮雷戕
龍沙旋逸江流急 本是當時聚骨場

七靖化

祖師於海昏經行之所皆留壇井凡六處通候時之地為七其勢布若斗星之狀蓋以鎮弭後患七靖者謂進化靖御奏靖丹符靖華表靖紫陽靖雲陽靖劉其靖今皆為官觀或為寺院官舍者有之矣復至邑之西北見山

泉清冽乃投符其中與民療疾其効亦比蜀
江今說口冷水臺巨蛇既誅妖血汗劍於是
磨洗之且削石以試其鋒今建昌縣有磨劍
池試劍石告其徒曰大蛇雖滅蛟精未誅彼
物通靈必知吾有除害意恐其伺隙潰郡城
吾歸郡乎戰岑二子從我焉時永嘉六年也

詩曰

海風巨蟒已遭誅 猶慮餘妖未盡驅

磨劍試鋒因削石 借泉蠲疾遂投符

師穿義井興滋澤 民賴靈壇勝憐憫

昔所經行營七靖 今營仙館表追忘

炭婦化

祖師道術高妙著聞遠邇求為弟子者數百
人却之不可得乃化炭為美婦人夜散群第
子處以試之明旦聞不為所惑者惟十人耳
即異時上昇諸高第也自是凡周遊江湖誅
蛟斬蛇無不從焉餘多自愧而去今建昌縣
西津名炭婦市立觀曰妙明

詩曰

祖師道術世無倫 遐邇歸投數百人

要作金仙傳上訣 故將炭婦試諸賓
咸迷赭粉貪歡事 不覺煙煤已汗身
各負慚顏逃散去 惟餘十一是高真

橫泉化

祖師乃與甘施二君歸郡周覽城邑通有一
少年美乎度衣冠甚偉通謁自稱姓慎禮貌
勤恪應對捷給遠告去祖師謂弟子曰適者
非人老蛟之精故來見試也體貌雖是腥風
襲人吾故愚之庶盡得其醜類爾連其所之
乃在江汭化為黃牛卧郡城沙磧之上今名
黃牛大洲是也祖師乃剪紙化黑牛往闕之
令施岑滑持劍往俟其闕酣即揮之施君一
揮中其股牛奔入城南之井中井名橫泉今
在上藍寺東南角墻掩井口故亦號蛟井

詩曰

祖師道服孰能欺 叵耐蛟精敢詐窺
辯論闊談難可術 腥風臭氣弗能移
俄然化撫變眠穉 忽被神牛闕力疲
寶劍一揮傷左股 橫泉攬入必當追

追履化

祖師遣符使奪其蹤乃知直至長沙於賈誼
井中出化為人即入賈玉史君之家先是蛟
精嘗慕玉之女美化為一少年謁之玉大愛
其才許妻以女因厚賂玉之親信皆釋舉為
遂成婚居數歲生二子嘗以春夏之交孑然
而出周遊江湖若營賈者至秋則乘巨舸重
載而歸所貨皆寶貨蓋乘春夏大水覆舟所
獲也是秋徒還給玉云財貨為盜所劫且傷
左股玉舉族歎惋求醫療之

詩曰

蛟精逃竄入橫泉 暮締長沙賈氏聯
夙業所鍾生兩子 此緣相合未多年
每持寶貨回家舍 却在江湖陷客船
神劍傷時瘡不愈 說言盜劫故空還

昭潭化

祖師乃為醫士謁玉玉喜召其婿出求醫蛟
精覺之懼不敢出玉自起召之祖師隨至其
堂厲聲叱曰江湖蛟精害人非一吾尋蹤至
此豈容逃速出速出蛟精計窮乃現本形
蜿蜒堂下為史其所誅祖師以法水其其二

子亦皆為小蛟併誅之賈女亦裝變形其父
母為哀求祖師給以神符故得不變祖師謂
玉曰蛟精所居其下即水今君舍下深不踰
尺皆洪波也可速徙居毋自蹈禍玉舉家惶
駭遷居高原其地不日陷為淵潭深不可測
今長沙昭潭是也

詩曰

師携芳醫藥過湖南 賈玉聞知請接談
頓覺蛟精生恐懼 巫呼虎吏轉憂悵
形誅砌下驚諸族 水噴堂前變兩男
妖絕徙居高阜處 未幾斯地化深潭

鎮蛟化

祖師復還豫章而蛟之餘黨甚感慮祖師誅
之心不自安乃化為人散遊城市訪祖師第
子詭言曰僕家長安積世崇善遠聞賢師許
君有神劍願聞其功弟子語之曰吾師神劍
指天裂指地地圻指星辰則失度指江河
則逆流萬邪莫可當神聖之寶也又曰抑有
不能傷者乎弟子戲之曰惟不能傷冬瓜葫
蘆耳蛟以為誠然繼而盡化其屬為葫蘆冬

三

二十

瓜連枝帶蔓浮泛滿江擬流出境祖師晨興
覺妖氣甚盛乃顧江中見蛟精所化即以劍
授施岑使履水斬之黨屬茹連悉無類類江
流為之變色祖師曰此地蛟螭所穴不有以
鎮之後且復出為患人不能制也乃役鬼神
於牙城南井鑄鐵為柱出井外數尺下施八
索鉤鎖地脉今鐵柱延真官是也祝之曰鐵
柱若凹其妖再興吾當復出鐵柱若正其妖
永除由是水妖屏迹城邑無虞復慮後世奸
雄妄作故因鐵柱以為識記云地勝人心善
應不出奸讎縱有興謀者終須不到頭之言
祖師之慮後世深有如此者

詩曰

江湖蜃類甚憂虞 問劍何功欲避誅
雪刃猶能割玉石 霜鋒豈不割瓜葫
廢形本要隨流去 履水俄然盡斬除
師見蛟螭多窟火 復留鐵柱鎮洪都

西山許真君八十五化錄卷上

三

三

西山許真君八十五化錄卷中

庚三

西山勇悟真人施本編
楮鏹化

祖師尋飛茅時渡小蜀江以錢二百勞舟人
舟人請益不已欲需一千祖師從之既登岸
舟人持錢歸惟二環耳餘皆楮鏹始驚訝知
其神人至今仙駕經由舟人止覓二鏹不敢
過求也

詩曰

為覓飛茅到處尋 蜀江喚渡綠楊陰
波平岸澗群機急 浪靜風恬眾客欽
既得祖師酬二券 如何捐子索千金
不因楮鏹委神化 焉得船家倒到今

藥湖化

新建縣之曠早湖水蛭至多祖師以粒藥投
之其蛭水絕至今名藥湖

詩曰

湖光滌瀲接晴空 盡盡蠶蠅產草叢
因把壘丹投一粒 斷除水蛭絕諸蟲
波迎皓月汀蘆白 浪對斜陽岸葦紅